



Broj: 05-45-1-424/2023  
Maglaj, 17.03.2023. godine

## OPĆINSKO VIJEĆE MAGLAJ

**Predmet: Dostava Izvještaja o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu.**

U prilogu akta dostavljamo Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu.

Izvještaj je pripremila Služba za urbanizam, geodetske i imovinsko-pravne poslove Općine Maglaj.

Obrađivač-Jasmina Alić, ing.grad.

Kontrolor-Nedžad Čatić, dipl.ing.geodezije


DOSTAVLJENO:

1. Naslovu
2. a/a



OPĆINSKI NAČELNIK

Mirsad Mahmutagić



*BOSNA I HERCEGOVINA*  
*Federacija Bosne i Hercegovine*  
**ZENIČKO-DOBOJSKI KANTON**  
*Općina Maglaj*  
**OPĆINSKO VIJEĆE**



*BOSNIA AND HERZEGOVINA*  
*Federation of Bosnia and Herzegovina*  
**ZENIČA-DOBOJ CANTON**  
*Maglaj Municipality*  
**MUNICIPAL COUNCIL**

**IZVJEŠTAJ O UTROŠKU SREDSTAVA I REALIZACIJI PLANA I  
PROGRAMA ODRŽAVANJA JAVNE HIGIJENE I ZIMSKOG  
ODRŽAVANJA GRADSKIH JAVNIH POVRŠINA SA FINANSIJSKIM  
POKAZATELJIMA ZA 2022. GODINU**

## I Uvod

U skladu sa članom 3. i članom 9. Zakona o komunalnim djelatnostima („Službene novine Zeničko-Dobojskog kantona“ broj: 17/08) te članom 6. Odluke o komunalnom redu i sanitarnom minimumu („Službene novine Općine Maglaj“ broj: 03/18), na osnovu člana 8., člana 13. i člana 15. Zakona o principima lokalne samouprave („Službene novine Federacije Bosne i Hercegovine“ br. 49/06, 51/09) u Budžetu/Proračunu Općine Maglaj za 2022. godinu na poziciji 613 324 planirana su sredstva u iznosu od 155.000,00 KM sa PDV za usluge održavanja komunalne higijene javnih površina i uklanjanje divljih deponija.

Na sjednici Općinskog vijeća Maglaj, održanoj dana, 10.02.2022.godine, usvojen je Plan i program održavanja javne higijene i zimskog održavanja gradskih javnih površina sa finansijskim pokazateljima za 2022.godinu, broj: 02-04-1-221/22.

Zakonom o komunalnim djelatnostima („Službene novine Zeničko-Dobojskog kantona“ broj: 17/08) u članu 3.obuhvaćene su komunalne djelatnosti zajedničke komunalne potrošnje i u smislu ovog zakona obuhvaćene su sljedeće aktivnosti:

- tačka b) održavanje čistoće na javnim površinama i gradskim ulicama (čišćenje i pranje asfaltiranih, betonskih, popločanih i zelenih javnih površina, prikupljanje i odvoz komunalnog otpada sa tih površina te uklanjanje snijega i leda),
- tačka c) održavanje javnih površina (uređenje i redovno održavanje zelenih i rekreativnih površina-javne zelene površine, zelene površine stambenih, odnosno urbanih gradskih cjelina, pješačke staze, zelene površine posebne namjene, površine za rekreaciju i fizičku kulturu na otvorenom prostoru, zaštitna područja i zaštitni zeleni pojasevi infrastrukturnih sistema ako nije uređeno posebnim propisom, površine uz uređenu i neuređenu obalu rijeka i jezera ako nije uređeno posebnim propisom, javnih saobraćajnih površina-ulice, kolovozi, pločnici, rigoli, putevi, prilazi, prolazi, trgovi, podvožnjaci i nadvožnjaci, mostovi i stepeništa van zgrade, autobuska stajališta ako nije uređeno posebnim propisom i drugih površina koje posebnim propisima budu utvrđene kao javne površine),
- tačka h) održavanje javnih česmi i fontana, javnih kupatila i javnih nužnika,
- tačka j) zbrinjavanje komunalnog otpada nastalog u okviru djelatnosti zajedničke komunalne potrošnje (sakupljanje, transport, tretman i odlaganje otpada),
- tačka k) čišćenje i razgrtanje snijega i leda sa javnih gradskih površina i lokalnih puteva i posipanje abrazivnim materijalom ulica i lokalnih puteva (provođenje zaštitnih mjera protiv stvaranja poledice-posipanje abrazivnog materijala i soli; provođenje zaštitnih mjera protiv stvaranja snježnih nanosa i smetova; čišćenje snijega sa kolovoza, pješačkih staza, parkinga, prometne signalizacije; osiguravanje odvodnje sa kolovoza; uklanjanje vozila sa kolovoza i blagovremeno informisanje učesnika u prometu).

Na osnovu člana 9. istog zakona, Općina obavljanje pojedinih komunalnih djelatnosti koje se finansiraju iz njenog Budžeta/Proračuna obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

## II Realizacija projekta

Dana, 02.03.2022.godine Općina Maglaj je, na osnovu usvojenog Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu, sa "KID" d.o.o. Maglaj potpisala Ugovor o redovnom održavanju javne higijene i zimskom održavanju ulica i javnih površina u gradu Maglaju i u Novom Šeheru za 2022.godinu, broj: 05-45-1-382/22, na iznos od 155.000,00 KM sa PDV.

Prema Planu i programu, na osnovu kojeg je potpisan Ugovor, održavanje javne higijene i odvoz otpada u gradu, kao i druge aktivnosti predviđene Programom, vršeno je svakim radnim danom po rasporedu navedenom u Programu javne higijene, u ukupnom trajanju 35 sedmica a u užem jezgru čaršije u Novom Šeheru 2x sedmično (ponedjeljak i petak), u ukupnom trajanju od 35 sedmica, u periodu od 15.03.-15.11.2022.godine.

Zimsko održavanje ulica i javnih površina u gradu vršeno je prema prioritetima kako je navedeno u Planu za zimsko održavanje prioriternih ulica i javnih površina u gradu, koji čini sastavni dio Programa, i to u periodu od 15.11.2022.-15.03.2023.godine, ali i u drugom periodu, ukoliko je to bilo neophodno.

U periodu kada nije bilo snježnih padavina vršeno je redovno održavanje javne higijene svih javnih površina po ustaljenoj dinamici.

U protekloj godini radovi su vršeni stručno i kvalitetno i u skladu sa aktivnostima predviđenim u Planu i programu održavanja javne higijene i zimskog održavanja gradskih javnih površina za 2022.godinu.

Svi radovi su evidentirani u dnevnik rada, na osnovu kojih su za izvršene radove na osnovu Ugovora ispostavljane mjesečne situacije i fakture i plaćano je "KJD" d.o.o. Maglaj kako slijedi:

- za mjesec januar, 2022.godine .....	12.442,26 KM,
- za mjesec februar, 2022.godine .....	11.167,77 KM,
- za mjesec mart, 2022.godine .....	13.166,70 KM,
- za mjesec april, 2022.godine .....	14.761,46 KM,
- za mjesec maj, 2022.godine .....	13.185,21 KM,
- za mjesec juni, 2022.godine .....	15.277,01 KM,
- za mjesec juli, 2022.godine .....	11.270,83 KM,
- za mjesec august, 2022.godine .....	12.596,77 KM,
- za mjesec septembar, 2022.godine .....	16.844,93 KM,
- za mjesec oktobar, 2022.godine .....	10.978,81 KM,
- za mjesec novembar, 2022.godine .....	11.840,11 KM,
- za mjesec decembar, 2022.godine .....	<u>11.465,35 KM</u>
UKUPNO sa PDV:	154.997,21 KM

PREDSJEDAVAJUĆA

Svjetlana Zamboni

